



**H**enicricus ex illustri comitum à Veringen familia natus fuit. Hunc ob præclaras animi & corporis dotes canonici Argentinenses suum episcopum elegerunt anno 1202. Eam dignitatem adeptus nihilominus optimis literis inuigilauit, atq; nullo uicario constituto, ipse omnia munia episcopalia absoluit. Hinc factum ut centum quatuordecim sacerdotes, trecetos octuaginta sex diaconos & inferioris ordinis, uno die solenniter inauguraret. Hos ipsemet examinauit, atque suo exemplo ad pietatem & doctrinam adhortatus est. Ut autem literæ commodius in sua diocœsi docerentur, ipsos Dominicanos in urbē suscepit, atq; eis habitatio-

nem concessit. Cum autem multi hæretici eo tempore uerbo Dei contraria docerent, ipsos erroris cõuicit, atq; officij admonuit. Verùm cum pertinaces essent octuaginta uno die cõburi iussit. Deinde etiam ad externam politiam conuersus, Dagspergensem arcem ruinas minitantem restaurauit. Cum hoc modo per 21 annos magna gloria præfuisset, moritur & 11 Martij an. 1223 in cathedrali templo sepelitur. Anon.